

luy les seigneurs d'Aubigny (?) de Ymbercourt et le cappitaine Bayard et plusieurs aultres qui passèrent les monts en Piedmont au-dessus de Saluées, où par nouvelles espies furent advertis que ledict Prosper Colonne et ses iiij^o lances estoient venuz disner et repaistre en une petite villette appelée Villefranque qui est sur la rivière du Pô, laquelle il faisoiet passer pour y venir, ilz passèrent oultre et vindrent jusques à ladicte rivière, laquelle ilz traversèrent et nagèrent leurs chevaux plus de deux brasses au plus parfont, et ayant passé ladicte rivière coururent à bride abbatue jusques à ladicte ville qui n'est loing que pour abreuver ung cheval. Aussi assuré ledict Prospère et ses gens estoient à table se rafraichissans. Et quant furent à la veue de la porte, la virent ouverte, parquoy picquerent de plus grand force, et moyennant que le dict de Ymbercourt meist sa lance entre les deux portes pour les gardes d'estre fermées, ce que les gardes voyant venir noz gens de telle raideur, s'essayèrent de faire et eussent fermé lesdictes portes sans l'empeschement que y donna ledict sieur de Ymbercourt, lequel et ses compagnons entrèrent en ladicte Villefranque et prindrent ledict Prospère Colonne et tous ses gens.

N. — La ville de Villafranca fut prise en 1515.

Il n'y a pas de petite erreur en histoire. Là, plus qu'ailleurs, la vérité doit être respectée. Après cette note-ci, la prise de Villafranca devra être attribuée à ceux à qui le mérite en revient. Ce sera l'affaire des chroniqueurs futurs.

LAFAVÈUR.